

मार्निंग डोगरी न्यूज बुलेटिन, समें. 09.20 Hrs

<><><><><><>

### Headlines

1. उपराज्यपाल मनोज सिन्हा होरें जम्मू-कश्मीर च मच्छी पालन परियोजना गितै 111 करेड रुपे कोला मती रकम जारी करने लेई प्रधानमंत्री नरेंद्र मोदी ते केंद्री मंत्री राजीव रंजन हुंदा आभार प्रगट कीता ऐ।
2. केंद्र सरकार नै राज्यें ते केंद्र शासित प्रदेशें लेई 20 प्रतिशत बादू कारोबारी एलपीजी अलाट कीती ऐ जेहदे नै एह गैस संकट कोला पैहले दे स्तर दे 50 प्रतिशत तगर पुज्जी गेआ ऐ।
3. मुखमंत्री उमर अब्दुल्ला होरें पच्छिम एशिया दे हालात पर चिंता प्रगट करदे होई तनाजे दे तौले हल ते इलाके च रमानदारी बहाली दी मेद बुज्झी ऐ।
4. उत्तरी कमान अध्यक्ष लेफ्टिनेंट जनरल प्रतीक शर्मा होर केंद्री मंत्री डॉ. जितेंद्र सिंह हुंदे नै मिले ते जम्मू-कश्मीर दी सुरक्षा ते रमानदारी सरबंधी विशें पर गल्लबात कीती।
5. श्रद्धालुएं ते भारी रश करी कल संझा रोक़ी गेदी श्री माता वैश्वो देवी जी दी जातरा बहाल होई गेई ऐ।

<><><><><><>

### LG-Fisheries

उपराज्यपाल मनोज सिन्हा होरें जम्मू-कश्मीर आस्तै मंजूरशुदा मच्छी विकास परियोजना गी लागू करने लेई 111 करोड 66 लक्ख रुपे केंद्री मदाद दे तौरा पर जारी करने आस्तै प्रधानमंत्री

नरेंद्र मोदी ते केंद्री पंचायती राज ते मच्छी पालन, पशु पालन ते डेयरी मंत्री राजीव रंजन सिंह हुंदा आभार जताया ऐ। एक्स पर इक पोस्ट च उपराज्यपाल सिन्हा होरें आखेआ जे मंत्रालय आसेआ 10 करोड़ रपे दी पैहली मंजूरी जारी करी दिती गई ऐ ते इस रकम दा इस्तेमाल होई जाने मगरा होर फंड जारी करी दिता जाहग। उनें अग्गे आखेआ जे भारत सरकार समूलचे जम्मू-कश्मीर च मच्छी पालने आहले करसानें दी आजीविका ते कल्याण च सुधार आस्तै पूरी चाल्ली बचने बज्झी दी ऐ।

<><><><><><>

### Centre-LPG-Allocation

सरकारै राज्यें गी कारोबारी एलपीजी आस्तै 20 फीसद बाद्दू बंड गी मंजूरी देई दिती ऐ। एहदे कन्नै कुल बंड 50 फीसद होई जाहग। एहदे च पीएनजी विस्तार आस्तै सुधारें दे आधार पर 10 फीसद आवंटन बी शामिल ऐं एहदे च रेस्तरां, ढाबे, होटल, औद्योगिक कैंटीन, डेयरी, रियायती कैंटीन ते राज्य या मुकामी निकाएं आसेआ संचालित होर खेत्रें गी तरजीह दिती जाहग। पेट्रोलियम ते कुदरती गैस मंत्रालय दे सचिव नीरज मित्तल होरें सारे राज्यें ते केंद्र शासित प्रदेशें दे मुख सचिवें गी चिट्ठी लिखिए आखेआ ऐ जे एह बंड सोमवार थमां लागू होग। सारे बवसायिक ते औद्योगिक एलपीजी उपभोक्ताएं गी तेल कंपनिएं कन्नै पंजीकरण करोआना होग। सरकारै भरोसा दोआया ऐ जे मुख्य च पेट्रोल, डीजल जां एलपीजी दी कोई कमी नेई ऐ। राज्यें गी हिदायत दिती गई ऐ जे ओह सारे बपारी ते उद्योगी एल.पी.जी उपभोक्ताएं गी तेल विपणन कंपनियें कन्नै पंजीकरण करन ते आवंटन हासल करने थमां पैहले पाइपड नेचुरल गैस यानि

पी.एन.जी कनेक्शन लेई तैया होना यकीनी बनान, कन्नै गै कालाबजारी ते जमाखोरी गी रोकने दे उपास बी करन।

<><><><><><>

### CM-West Asia

मुख्यमंत्री उमर अब्दुल्ला होरें पच्छिम एशिया च जारी तनोतनी ते ओहदे व्यापक वैश्विक असर पर चैता प्रगट कीती ऐ। कल हजरतबल दरगाह च ईद दी नमाज अदा करने मगरा पत्रकारें कन्नै गल्ल करदे होई उनें मेद प्रगट कीती जे इस संघर्ष दा तौले गै हल निकलग ते रमानदारी ब्हाल होई जाहग। उनें आखेआ जे एह स्थिति केई मुख्यें ते समुदायें गी प्रभावित करा'रदी ऐ। मुख्यमंत्री होरें एल.पी.जी ते ईंधन दिएं कीमतें च बाददे पर बोलदे होई आखेआ जे बदी दिएं कीमतें कारण मुख्य भरै च घरेलू बजट पर दबाव पवा'रदा ऐ ते रोजमर्रा दी जिंदगी पर बी असर पवा'रदा ऐ।

<><><><><><>

### JPPCC-LG Meet

जम्मू-कश्मीर प्रदेश कांग्रेस कमेटी दा शिष्टमंडल उपराज्यपाल मनोज सिन्हा होरें गी जाइयै मिलेआ ते लोकहित आहले केई मुद्दे उन्दे अग्गे रक्खे। शिष्टमंडल दी अगुवाई कमेटी दे कार्यकारी अध्यक्ष ते साबका मंत्री रमन भल्ला ते पार्टी प्रवक्ता रविंद्र शर्मा होर करा'रदे हे जिनें पाकिस्तानी कब्जे आहले जम्मू-कश्मीर पी.ओ.जे.के थमां आए दे रफ्यूजिएं गी एस.टी-2 दा दर्जा देने, वोटर लिस्टें च कमिएं-खामिएं गी दूरन करने ते हाड़ प्रभावित इलाकें गी मुआवजा देने

ज्नेय मुद्दे शामिल हे। मगरा मीडिया कन्नै गल्लबात करदे होई रमण भल्ला होरें दस्सेआ जे एल.जी होरें उंदिएं सबनें मंगें गी धरोइयै सुनेआ ते जकीन दोआया जे उंदिएं चिंताएं गी तौले शा तौले दूर करने दी पूरी कोश्ट कीती जाहग।

<><><><><><>

### **Prog. Announcement**

आकाशवाणी जम्मू दे क्षेत्रीय समाचार एकांश आसेआ कल यानि 23 मार्च गी “शहीद दिवस-2026” दे मौके पर 25एं मिंटे दा इक विशेष कार्यक्रम प्रसारित कीता जाहग- जेहदा विशे होग “ शहीदें दी कदे मृत्यु नैई हुंदी उन्दे आदर्श अमर हुंदे न”। इस विशेष कार्यक्रम दा प्रसारण दपैहरी 12 बजे कीता जाहग ते एहदे च स्हाड़े परौहने होडन- केन्द्रीय विश्वविद्यालय जम्मू दे Assistant Professor Dr. Ravail Prihar - जेहड़े इस चर्चा राएं अपने माहिराना बचार सांझे करडन। इस कार्यक्रम दी मेजबानी स्हाड़े न्यूज एंकर विजय बजाज आसेया कीती जाहग।

<><><><><><>

### GoC MoS Meet

भारती फौज दी उत्तरी कमान दे जनरल आफिसर कमांडिंग इन चीफ लेफ्टिनेंट जनरल प्रतीक शर्मा होर कल केंद्री मंत्री डॉ. जितेंद्र सिंह होरें गी जाइयै मिले। गल्लबात दरान दौनें बश्कार बक्ख-बक्ख विशें पर तफसीली सोच-विचार होआ। अपनी सोशल मीडिया पोस्ट पर डॉ. जितेंद्र सिंह होरें लिखेआ जे इस मलाटी दरान केई सारे मुद्दें पर तफसीली बिचार बटांदरा होआ ते एह बैठक मती फैयदेमंद ते असरदार रेही। गल्लबात दरान मुख्तौरा पर बचार बटांदरा फौज ते

सिविल प्रशासन बशकार तालमेल ते सहयोग बधाने ते खिते दे प्रमुख मामलें गी नबेङने दे बारै च कीता गेआ जिंदे च ज्यादातर मामले विकास बाद्दे, प्रशासन ते जम्मू-कश्मीर दी पूरी पराती सुरक्षा बवस्था कन्नै जुड़े दे हे।

<><><><><><>

### MoS-Award

केंद्री राज्यमंत्री डॉ. जितेंद्र सिंह हेरें गी मेडिसन ते डाइबीटीज दे क्षेत्र च उंदे योगदान लेई लाइफ टाइम अचीवमेंट अवार्ड दिता गेआ ऐ। एह सम्मान उनेंगी हाल च आयोजित चेन्नई नेशनल मीट च सार्वजनिक सेहत ते शूगर दी बमारी दे इलाज च उंदे टकोहदे योगदान लेई दिता गेआ ऐ। एम.वी डायबीटीज चेन्नई जेहदी स्थापना 1954 च प्रो. एम. विश्वनाथन हुंदे आसेआ कीती गेई ही, आसेआ आयोजित MVCON-2026 दरान डॉ. सिंह होरें गी एह सम्मान दिता गेआ। एह उन्दे जीवनै दा दुआ लाइफटाइम अचीवमेंट अवार्ड ऐ।

<><><><><><>

### Yatra-Resumed

कल संझा श्रद्धालुएं दे भारी रश गी दिखदे होई रोकी गेदी श्री माता वैष्णो देवी जी दी जातरा अज्ज बड्डलै 4 बजे परतियै बहाल होई गेई ऐ। चैत्र नरातें दे चलदे कीजे इनें दिनें माता दे दरबार च मत्था टेकने औने आहले श्रद्धालुएं दी गिनतरी च चानचक्क बाद्दा दिक्खने गी लब्बै ऐ, इस करियै यात्रा गी रमानदारी ते बवस्था आहले ढंगै सिर करोआना यकीनी बनाने लेई एह यात्रा कल संझा रोकनी पेई ही। पैहले त्रै नरातें दरान गै कोई 1 लक्ख कोला मते श्रद्धालु

पवित्र गुफा च माता दे पिंडी रूप दे दर्शन करी चुके दे न ते श्रद्धालुएं दी सुविधा ते सुरक्षा गी  
ध्यानै च रखदे होई श्राइन बोर्ड प्रशासन नै लोड़चदे सब्बै बंदोबस्त कीते दे न।

<><><><><><>

### Kisan-Mela

मिम्बर पार्लियामेंट सत शर्मा ते नगरोटा थमां विधायक देवयानी राणा होरें कल ठट्ठर च बाबा  
कैलख नाथ मंदिर परिसर च मैहकमा बागवानी दे स्टालें दा दौरा लाया। एह् स्टाल मैहकमे  
आसेआ करसानें ते आम लोकें दी जागरूकता लेई लोआए गेदे 2 दिनें दे कार्यक्रम तैहत लोआए  
गेदे हे। इस कार्यक्रम च खरी मती गिनतरी च करसान, बागवान ते आम लोक बी शामिल होए  
जिनेंगी मैहकमे दे माहिर अधिकारिणंद बागवानी दे नमें ढंग-सरिस्तें, सरकार आसेआ शुरू कीती  
गेदिणं बक्ख-बक्ख स्कीमें ते रौ-रिआयतें दे बारै च जानकारी दिती जिंदे थमां फैयदा ठोआड़यै  
करसान अपनी औंदन बदाई सकदे न।

<><><><><><>